

四庫全書

集部

欽定四庫全書

御定全唐詩卷五百六十

薛能

送劉駕歸京

相逢聽一吟
唯我不降心
在世憂何事
前生得至音
蒲多南去遠
汾盡北遊深
為宿關亭日
蒼蒼曉欲臨

夏日寺中有懷

亭午四鄰睡
院中唯鳥鳴
當門塞鴻去
欹枕世人情
地

燥蒼苔裂天涼晚月生歸家豈不願辛苦未知名

夏日蒲津寺居二首

日日閒車馬誰來訪此身一門兼鶴靜四院與僧鄰
雨室牆穿溜風窗筆染塵一作空餘氣長在天子用平人

故國有如一作餘夢省來長遠遊清晨起閒院疎雨似深

秋宿寢書稜疊行吟杖跡稠天晴豈能出春暖未更裘

北都題崇福寺

寺即高祖舊宅

此地潛龍寺何基即帝臺細花庭樹蔭清氣殿門開長

老多相識旬休暫一來空空亦擬解千進幸無媒

題龍興寺

高戶列禪房松門到上方像開祇樹嶺人施蜀城香地
遍磷磷石江移子子檣林僧語不盡身役一作後事梁王

題大雲寺西閣

閣臨偏險寺當山獨坐西城笑滿顏四野有歌行路樂
五營無戰射堂閒聲和調角秋空外砧辦征衣落照間
方擬殺身酬聖主敢於高處戀鄉關

舟行至平羌

貔虎直沙壩嚴更護早眠簇霜孤驛樹落日下江船暫
去非吳起終休愛魯連平羌無一術侯吏莫加邊

題開元寺閣

一閣見一郡亂流仍亂山未能終日住尤愛暫時閒唱
權吳門去啼林杜宇還高僧不可羨西景掩一作禪關

凌雲寺

像閣與山齊何人致石

一作置是

梯萬煙生聚落一崦露招

提齋一作齋

月人來上殘陽鴿去栖從邊亦已極烽火是

沈黎

石堂溪

三面接一作枕

漁樵前門向郡橋岸沙崩橘樹山逕入茶

苗夜擁軍煙合春浮妓舸邀此心無與醉花影莫相燒

荔枝樓

高檻起邊愁荔枝誰致樓會須教匠圻不欲見蠻陬樹
痺無春影天連覺漢流仲宣如可擬即此是荊州

聖岡

古跡是何王平身入石房
遠村通後逕一郡隔前岡
晝靜唯禪客春來有女郎
獨醒迴不得無事可焚香

蜀州鄭史

一作使

君寄烏觜茶因以贈答八韻

烏觜擷渾牙精靈勝鑊鉚
烹嘗方帶酒滋味更無茶
拒碾乾聲細撐封封利穎
斜銜蘆齊勁實啄木聚菁
華鹽損添常誠薑宜著更
誇得來拋道藥攜土就僧
家旋覺前甌淺還愁後信
賒千慙故人意此惠敵丹
砂

暇日寓懷寄朝中親友

命與才違豈自由
我身何負我身愁
臨生白髮方監郡
遙恥青衣懶上樓

郡南有
青衣樓

過客悶嫌疎
妓樂小兒愁
愛

關
貌貅閒吟一寄清朝侶
未必淮陰不拜侯

春日寓懷

幽拙未謀身
無端患不均
盜憎猶念物
花盡不知春
井邑常多弊
江山豈有神
健為何處在
一擬弔埋輪

監郡健為舟中寓題寄同舍

一寢閒身萬事空任天教作假文翁旗穿島樹孤舟上
家在山亭每日中疊果盤殮丹橘地若一作落花牀席早
梅風佳期說盡君應笑劉表尊前且不同

江柳

條綠似垂纓離筵日照輕向人雖有態傷我為無情橋
遠孤臨水牆低半出營天津曾此見亦是愴行行

寄吉諫議

將迎須學返抽身合致蹉跎敢效嘖性靜擬歸無上士

跡疎常負有情人終憑二頃謀婚嫁謬著千篇斷斧斤
聞說舊交賢且達欲彈章甫自羞貧

江上寄情

天際歸舟浩蕩中我關王澤道何窮未為時彥徒經國
尚有邊兵恥佐戎釀黍氣香村欲社斫桑春盡野無風
年來斷定知休處一樹繁花一畝宮

平蓋觀

巨柏與山高玄門靜有猿春風開野杏落日照江濤白

壁心難說青雲世未遭天涯望不極誰識詠離騷

春霽

久客孤舟上天涯
漱曉津野芳橙似柳
江霽雪和春吏
叫能驚鷺官廳實害身
何當窮蜀境却憶滯遊人

春居即事

雲密露晨暉西園獨掩扉
雨新臨斷火春冷著單衣
榆莢奔風健蘭芽負土肥
交親不是變自作寄書稀

邊城寓題

孤蹇復飄零天涯若墮螢東風吹痼疾煖日極青冥
蠶市歸農醉漁舟釣客醒論邦苦不早祇此負王庭

春日江居寓懷

歸興乍離邊蘭橈復錦川斫春槎枿樹消雪土膏田岸
煖尋新菜舟寒著舊綿臨邛若箇是欲向酒家眠

邊城作

行止象分符監州是戲儒管排蠻戶遠出箐鳥巢孤

蜀人

謂稅為排戶
謂林為叢箐

北向秦何在南來蜀已無懷沙悔不及只

有便乘桴

聞李夷遇下第東歸因以寄贈

囊中書是居山寫海畔家貧

一作頻

乞食還吾子莫愁登

第晚古人惟愛賤遊閒舟行散適江亭上郡宴歌吟蠟燭間從此樂章休叙戰漢兵無陣亦無蠻

留題

茶興復詩心一甌還一吟壓春甘蔗冷喧雨荔枝深驟去無遺恨幽棲已徧尋蛾眉不可到高處望千岑

春日北歸舟中有懷

盡日遶盤飧歸舟向蜀門
雨乾楊柳渡山熱杏花村
淨鏡空山

一作江

曉孤燈極浦昏
邊城不是意迴首未終恩

初發嘉州寓題

勞我是健為南征
又北移唯聞杜鵑夜
不見海棠時在
閭曾無負含靈合有

一作見

知州人若愛樹莫損
召南詩

題漢州西湖

西湖天下名可以濯吾纓
況是攜家賞從妨半驛
程嘗

茶春味渴斷酒晚懷清盡得幽人趣猶嫌守吏迎重滄

逢角暮百事喜詩成坐阻湘江謫誰為語政聲

前安撫副使曾

此賦詩尋自南宮有
湘潭之命因以吟歎

自廣漢遊三學山

殘陽終日望棲賢歸路攜家得訪禪世缺一來應薄命
雨留三宿是前緣詩題不忍離巖下屐齒難忘在水邊
猿鳥可知僧可會此心常似有香煙

三學山開照寺

盡室徧相將中方上下方夜深楠樹遠春氣陌

一作林柏

香聖跡留巖險靈燈出混茫何因將慧劍割愛事空王

雨霽北歸留題三學山

遠樹平川半夕陽錦城遙辨立危牆閒思勝事多遺恨
却悔公心是謾忙灌口闕尋慙遠客峨嵋乖約負支郎
靈龕一望終何得謬有人情滿蜀鄉

行次靈龕驛寄西蜀尚書

北客推車指蜀門乾陽知已近臨坤

太原府有乾陽門尚書自北都遷蜀

從辭府郭常迴首欲別封疆更感恩援寡聖朝難望闕
暑催蠶麥得歸村雷公解斲衝天氣白日何辜遣戴盆
雨霽宿望喜驛

風雷一罷思何清江水依然浩浩聲飛鳥旋生啼鳥在
後人常似古人情將來道路終須達過去山川實不平
閒想更逢知舊否館前楊柳種初成

籌筆驛

余為蜀從事病武侯
非王佐才因有是題

葛相終宜馬革還未開天意便開山生欺仲達徒增氣

死見王陽合厚顏流運有功終是擾陰符多術得非姦
當初若欲酬三顧何不無為似有鰥

通仙洞

高龕險欲摧百尺洞門開白日仙何在清風客暫來臨
崖松直上避石水低迴賈椽曾空去題詩豈易哉

嘉陵驛見賈島舊題

賈子命堪悲唐人獨解詩左遷今已矣清絕更無之畢
竟吾猶許商量衆莫疑嘉陵四十字一一是天資

嘉陵驛

一作題嘉陵驛

江濤千疊閣千層
銜尾相隨盡室登
稠樹蔽山聞杜宇
午煙薰日食嘉陵
頻題石上程多破
暫歇泉邊起不能
如此幸非名利切
益州來日合攜僧

嘉陵驛

盡室可招魂
蠻餘出蜀門
電涼隨雨氣
江熱傍山根
蠶月綠絲路
農時碌碡村
千將磨欲盡
無位可酬恩

西縣途中二十韻

野客誤桑麻從軍帶鎬鉞豈論之白帝未合過黃花落
日投江縣征塵漱齒牙蜀音連井絡秦分隔褒斜硤路
商逢使山郵雀啁蛇憶歸臨角黍良遇得新瓜食久庭
陰轉行多屐齒窪氣清巖下瀑煙漫雨餘畬黃鳥當蠶
候稀蒿雜麥查汗涼風似雪漿度蜜如沙野色生肥芋
鄉儀擣散茶梯航經杜宇烽候徹苴咻逗石流何險通
關運固賒葛侯真竭澤劉主合亡家陷彼貪功吠貽為
黷武誇陣圖誰許可廟貌我掄擲閒事休徵漢斯行且

詠巴音繁來有鐸軌盡去無車溢目看風景清懷嘯月
華焰樵烹紫筍腰簞憩烏紗杞國憂尋悟臨邛渴自加
移文莫有誚必不滯天涯

西縣作

三年西蜀去如沉西縣西來出萬岑樹石向聞清漢浪
水風初見綠萍陰平郊不愛行增氣好井無疑漱入心
從此漸知光景異錦都回首盡愁吟

分水嶺望靈寶峰

千尋萬仞峰靈寶號何從盛立同吾道貪程阻聖蹤嶺
奇應有藥壁峭盡無松那得休于是蹉跎亦卧龍

水簾吟

萬滴相隨萬響兼路塵天產盡旁霑源從顥氣何因絕
派助前溪豈覺添豪客每來清夏葛愁人才見認秋簷
嘉名已極終難稱別是風流不是簾

褒斜道中

十驛褒斜到處慵眼前常似接靈蹤江遙旋入旁來水

山豁猶藏向後峰，鳥徑惡時應立虎。畬田間日自燒松，
行吟却笑公車役。一作使夜發星馳半不逢。

褒城驛有故元相公舊題詩，因仰歎而作。

鄂相頃題應好池，題云萬竹與千梨。我來已變當初地，
前過應無繼此詩。敢歎臨行殊舊境，惟愁後事劣今時。
間吟四壁堪搔首，頻見青蘋白鷺鷥。

題褒城驛池

池館通秦檻，向衢舊聞佳。賞此跼蹐清涼，不散亭猶在。

事力何銷舫已無釣客坐風臨島嶼牧牛當雨食菰蒲
西川吟吏偏思葺只恐歸尋水亦枯

送崔學士赴東川

羽人仙籍冠浮丘欲作鄮侯且蜀侯導騎已多行劒閣
親軍全到近綿州文翁勸學人應戀魏絳和戎戍自休
唯有夜罇懽莫厭廟堂他日少閒遊

海棠

并序

蜀海棠有聞而詩無聞杜子美于斯興象靡出沒

而有懷天之厚余謹不敢讓風雅盡在蜀矣吾其庶幾

酷烈復離披玄功莫我知青苔浮落處暮柳間開時帶
醉遊人插連陰被叟移晨前清露濕宴後惡風吹香少
傳何許妍多畫半遺島蘇漣水脉庭綻粒松枝偶汎因
沉硯閒飄欲亂碁遶山生玉壘和郡徧坤維負賞慙休
飲牽吟分失飢明年應不見留此贈巴兒

詠夾遼菊

夾逕盡黃英不通人並行幾曾相對綻元自兩行生叢
比高低等香連左右并畔搖風勢斷中夾日華明間隔
蛩吟隔交橫蝶亂橫頻應泛桑落摘處近前楹

碧鮮亭春題竹

竹少竹更重碧鮮疆

一作猶

更名有欄常凭立無徑獨穿

行夕月陰何亂春風葉盡輕已聞圖畫客兼寫薛先生

竹逕

盤逕入依依旋驚幽鳥飛尋多苔色古踏碎籜聲微鞭

節橫妨戶枝梢

一作苗

動拂衣前溪聞到處應接釣魚磯

新柳

輕輕須重不須輕衆木難成獨早成
柔性定勝剛性立一枝還引萬枝生
天鍾和氣元無力時遇風光別有情
誰道少逢知己用將軍因此建雄名

牡丹四首

異色稟陶甄常疑主者偏衆芳殊不類
一笑獨奢妍顚折羞含嬾藪虛隱陷圓
亞心堆勝被美色豔於蓮品格

如寒食精光似少年種堪收子子價合易賢賢迴秀應
無妬竒香稱有仙深陰宜映幕富貴助開筵蜀水爭能
染巫山未可憐數難忘次第立困戀傍邊逐日愁風雨
和星祝夜天且從留盡賞離此便歸田

萬朶照初筵狂遊憶少年曉光如曲水顏色似西川白
向庚辛受朱從造化妍衆開成伴侶相笑極神仙見焰
寧勞火聞香不帶煙自高輕月桂非偶賤池蓮影接彫
盤動葉遭惡草偏招歡憂事阻就卧覺情牽四面宜綈

錦當頭柙管絃泊來鶯定憶粉擾蝶何顛蘇息承朝露
滋榮仰霽天壓欄多盡好敵國貴宜然未落須迷醉因
茲任病纏人誰知極物空負感麟篇

去年零落暮春時淚濕紅牋怨別離常恐便隨巫峽散
何因重有武陵期傳情每向馨香得不語還應彼此知
欲就

一作見欲

欄邊安枕席夜深閒共說相思

牡丹愁為牡丹飢自惜多情欲瘦羸濃艷冷香初蓋後
好風乾雨正開時吟蜂遍坐無閒藥醉客曾偷有折枝

京國別來誰占翫此花光景屬吾詩

使院栽葦

戛戛復差差一叢千萬枝格如僧住處
栽得更閒時
自廳中出根從府外移從軍無宿劍
空想夜風吹

失鶴二首

偶背雕籠與我違四方端佇竟忘歸
誰家白日雲間見
何處滄洲雨裏飛曾啄稻粱殘粒在
舊翹泥潦半蹤稀
憑人轉覺多相誤盡道皤然作令威

華表翹風未可期
變丁投衛兩堪疑
應緣失路防人損
空有歸心最我知
但見空籠拋夕月
若何無樹宿荒陂
不然直道高空外
白水青山屬臘一作獵師

答賈支使寄鶴

瑞羽竒姿踉蹌形
稱為仙馭過清冥
何年厚祿曾居衛
幾世前身本姓丁
幸有遠雲兼遠水
莫臨華表望華亭
勞君贈我清歌侶
將去田園夜坐聽

陳州刺史寄鶴

臨風高視聳奇形渡海沖天想盡經因得羽儀來合浦
便無魂夢去華亭春飛見境乘桴切夜淚聞時醉枕醒
南守欲知多少重撫毛千萬喚丁丁

孔雀

偶有功名正俗才靈禽何事降瑤臺天仙黼黻毛應是
宮后屏幃尾忽開曾處嶂中真霧隱每過庭下似春來
佳人為我和衫拍遣作傒傒一作送一杯

鄜州進白野鵲

輕毛疊雪翅開霜紅背能深練尾長名應玉符朝北闕
色柔金性瑞西方不憂雲路填河遠為對天顏送喜忙
從此定知栖息處月宮瓊樹是仙鄉

早蟬

不見上庭樹日高聲忽吟他人豈無耳遠客自關心暫
落還因雨橫飛亦向林分明去年意從此漸聞砧

申湖

昔年依峽寺每日見申湖下淚重來此知心一已無雨

霖舟色暗岸拔木形枯舊境深相惱新春宛不殊方來
尋熟侶起去恨驚鳥忍事花何笑喧吟瀑正麤堪憂從
宦到倍遣曩懷孤上馬終回首傍人怪感吁

謝劉相

一本有
公字

寄天柱茶

兩串春團敵夜光名題天柱印維揚偷嫌曼倩桃無味
搗覺嫦娥藥不香惜恐被分緣利市盡應難覓為供堂
麤官寄與真拋却賴有詩情合得嘗

題後集

詩源何代失澄清處處狂波汙後生常感道孤吟有淚
却緣風壤語無情難甘惡少欺韓信枉被諸侯殺禍衡
縱到緱山也無益四方聯絡盡蛙聲

秋晚送無可上人

半夜覺松雨照書燈悄然河聲纔淅瀝舊業近潺湲坐
滴寒更盡吟驚宿鶴遷相思不相見日短復愁牽

贈源寂禪師

并鉢鎮隨腰怡然處寂寥門一作師禪從北祖僧格似南

朝性近徒相許緣多愧未銷何傳能法

一作當
傳去

慧此岸

要津橋

贈禪師

嗜慾本無性此生長在禪九州空有路一室獨多年鳴
磬微塵落移餅濕地圓相尋偶同宿星月坐忘眠

夏日青龍寺尋僧二首

帝里欲何待人間無闕遺不能安舊隱都屬擾明時違
理須齊辱雄圖豈藉知縱橫悉已悞斯語是吾師

得官殊未喜失計是忘愁不是無心速焉能有自由涼

風盈夏扇蜀茗半形

一作邢
一作銅

歐笑向權門客應難見道

流

寄題巨源禪師

風雨禪思外應殘木槿花何年別鄉土一衲代袈裟日
氣侵瓶暖雷聲動枕斜還當掃樓影天晚自煎茶

題河中亭子

河擘雙流島在中島中亭上正南空蒲根舊浸臨關道

沙色遙飛傍苑風，晴見樹卑知岳大。
晚聞車亂覺橋通，無窮勝事應須宿。
霜白薰葭月在東。

逢友人遊邊迴

一作馬戴詩

遊子新從絕塞迴，自言曾上李陵臺。
尊前語盡北風起，秋色蕭條胡雁來。

春雨

電濶照潺潺，驚流往復還。
聲如有洞迷色似無，

一作巫

山利物，乾坤內并風。
竹樹間靜思來，朔漠愁望滿柴關。

迸濕消塵慮吹風觸疾

一作病

顏誰知草茅選

一作者

霑此

尚虛閒

夏雨

何處發天涯風雷一道賒去聲隨地急殘勢傍樓斜透
樹垂紅葉霑塵帶落花瀟湘無限思閒看下薰葭

秋夜山中述事

初宵門未掩獨坐對霜空極目故鄉月滿溪寒草風樵
聲當嶺上僧語在雲中正恨歸期暮蕭蕭聞塞鴻

長安道

汲汲復營營東西連兩京關繻古若在山岳累應成各

自有身事不相知姓名交馳兼一作喧衆類分散入重城

此一作路去應無盡萬方人旋一作始生空餘片言苦來往

覓劉楨

酬泗州韋中丞堦上日寄贈兼次本韻

魯儒相悟欲成空學盡文章不見功官自掖垣飄海上

鎮從隨一作隋岸入山中嘗遭火發瞿雲一作曇宅爭得天

如老氏弓何意杜陵懷寶客也隨迷路出關東

泛觴池

通咽遠

一作遠

華樽泛觴名自君淨看籌見影輕動酒生

紋細滴隨杯落來聲就浦分便應半酣後清冷漱蕪雲

御定全唐詩卷五百六十

欽定四庫全書

御定全唐詩卷五百六十一

薛能

荔枝詩

有序

杜工部老居兩蜀不賦是詩豈有意而不及歟白
尚書曾有是作興旨卑泥與無詩同予遂爲之題
不愧不負將來作者以其荔枝首唱愚其庶幾

題如松子色如櫻未識蹉跎欲半生歲杪監州曾見樹

時新入座久聞名

丁巳上元日放三雉

嬰網雖皆困褰籠喜共歸無心期爾報相見莫驚飛

寓題

一作邊城寓題

王澤猶來雅在新尚詞微事

一作微事

可愁人淫哇滿眼關

睢弱猶賀清朝有此身

望蜀亭

樹簇烟迷蜀國深嶺頭分界戀登臨前軒一望無他處

從此西川只在心

游嘉州

一作陵

後溪

開元觀開遊因及後溪偶成二韻

山屐經過滿逕蹤
隔溪遙見夕陽春
當時諸葛成何事
只合終身作卧龍

自諷

千題萬詠過三旬
忘食貪魔作瘦人
行處便吟君莫笑
就中詩病不任春

乞假歸題候館

一本題首有河東幕三字

僕帶雕弓馬似飛
老萊衣上著戎衣
郵亭不暇吟山水
塞外經年皆未歸

監郡健爲將歸使府登

一本有通濟二字

樓寓題

幾日監臨向蜀春
錯拋歌酒強憂人
江樓一望西歸去
不負嘉州只負身

過象耳山二首

一色青松幾萬栽
異香薰路帶花開
山門欲別心潛願
更到蜀中還到來

到處逢山便欲登自疑身作住來僧徒行至此三千里
不是有緣應不能

聖燈

莽莽空中稍稍燈坐看迷濁變澄清須知火盡烟無益
一夜欄邊說向僧

過昌利觀有懷

萬仞雲峯八石泉李君仙後更誰仙我來駐馬人何問
老柏無多不種田

蜀路

劒閣緣雲拂斗魁
疾風生樹過龍媒
前程憩罷知無益
但是驚蹄亦到來

山下偶作

零雨露山百草香
樹梢高頂盡斜陽
橫流巨石皆堪住
何事無僧有石房

伏牛山

虎蹲峰狀屈名牛
落日連村好望秋
不爲時危耕不得

一犁風雨便歸休

老圃堂

一作曹
鄴詩

邵平瓜地接吾廬
穀雨乾時偶一作手自鋤
昨日春風欺
不在就牀吹落
讀殘書

春題

柳莫搖搖花莫開
此心因病亦成灰
人生只有家園樂
及取春農一作濃歸去來

并州寓懷

人多知遇獨難求人負知音獨愛酬常恐此心無樂處
枉稱年少在并州

中秋旅舍

一作中秋
旅舍書懷

雲卷庭虛

一作卷
盡庭雲

月逗空一方秋草盡

一作
色草

鳴蟲是時

兄弟正南北黃葉滿階來去風

符亭二首

并序

東三泉十五里以飛瀑結茅雖小甚勝諸所記注
皆云前宰符姓所爲俞姓所修而不識其人因題

曰符亭旌之也

符亭之地雅離羣萬古懸泉一旦新若念農桑也如此
縣人應得似行人

山如巫峽煙雲好路似嘉祥水木清大抵游人總應愛
就中難說是詩情

秋夜聽任郎中琴

十指宮商膝上秋七條絲動雨脩脩空堂半夜孤燈冷
彈著鄉心欲白頭

留別關東舊遊

我去君留十載中未曾相見及花紅
他時住得君應老長短看花心不同

贈出塞客

出郊征騎逐飛埃此別惟愁春未回
寒葉夕陽投宿意蘆一作蕭關門向遠河開

秋溪獨坐

黃葉分飛砧上下白雲零落馬東西
人生萬意此端坐

日暮水深

一作聲

流出溪

蒲中霽後晚望

河邊霽色無人見
身帶春風立岸頭
濁水茫茫有何意
日斜還向古蒲州

宋氏林亭

地濕莎青雨後天
桃花紅近竹林邊
行人本是農桑客
記得春深欲種田

雲花寺寓居贈海岸上人

暫寄空門未是歸上方林榭獨著

一作

儒衣吾師不語應

相怪

一作問

頻惹街塵入寺飛

關中秋夕

簾濕秋庭岳在煙
露光明滑竹蒼然
何人意緒還相似
鶴宿松枝月半天

西縣道中有短亭
巖穴飛泉隔江灑
至因成二首

風涼津濕共微微
隔岸泉衝石竅飛
爭得巨靈從野性

舊鄉無此擘將歸

一瀑三峰赤日天
路人才見便翛然
誰能夜向山根宿

涼月初生的有仙

省試夜

一作韋承貽詩

白蓮千朵照廊明
一片承平雅頌聲
更報第三條燭盡
文昌風景畫難成

過驪山

丹腹蒼蒼簇背山
路塵應滿舊簾間
玄宗不是偏行樂

只爲當時四海閒

曲江醉題

閑身行止屬年華
馬上懷中盡落花
狂遍曲江還醉臥
覺來人靜日西斜

參軍廳新池

簾外無塵勝物外
牆根有竹似山根
流泉不至客來久
坐見新池落舊痕

太原使院晚出

青門無路入清朝
濫作將軍最下僚
同舍盡歸身獨在
晚風開印葉蕭蕭

寒食日曲江

曲水池邊青草岸
春風林下落花盃
都門此日是寒食
人去多看多身獨來

盤屋官舍新竹

心覺清涼體似吹
滿風輕撼葉垂垂
無端種在幽閒地
衆鳥嫌寒鳳未知

京中客舍聞箏

十二三弦共五音每聲如截遠人心當時向秀聞鄰笛
不是離家歲月深

銅雀臺

魏帝當時銅雀臺黃花深映棘叢開人生富貴須回首
此地豈無歌舞來

壽安水館

地接山林兼有石天懸星月更無雲驚鷗上樹滿池水

灤潯一聲中夜聞

雨後早發永寧

春霖朝罷客西東
雨足泥聲路未通
獨愛千峰最高處
一峰初日白雲中

宿仙遊寺望月生峰

公門身入洞門行
出穿離籠似有情
僧語夜涼雲樹黑
月生峰上月初生

秋題

獨坐東南見曉星白雲微透沱寥清磷磷甃石堪僧坐
一葉梧桐落半庭

和友人寄懷

從來行樂近來希遽瑗知言與我違自是衰心不如舊
非關四十九年非

子夜

嫖姚家宴敵吳王子夜歌聲滿畫堂此日相逢眉翠盡
女真行李乞齋糧

鴈和韋侍御

肅肅雍雍義有餘九天鸞鳳莫相疎
唯應靜向山窗過
激發英雄夜讀書

和府帥相公

一作蜀中和府帥相公過
安撫崔判官廳不遇之什

竹映高牆似傍山鄖陽歸後令威還
君看將相才多少
兩首詩成七步間

又和留山鷄

五色文勝百鳥王相思兼絕寄芸香
由來不是池中物

鷄樹歸時即取將

舟中酬楊中丞春早見寄

錦樓春望憶丹楹更遇高情說早鶯
江上境寒吟不得
濕風梅雨滿船輕

寒食日題

美人寒食事春風折盡青青賞盡紅
夜半無燈還有睡
一作不寐鞦韆懸在月明中

杏花

活色生香第一流
手中移得近青樓
誰知豔性終相負
亂向春風笑不休

黃蜀葵

嬌黃新嫩

一作藥

欲題詩盡日含毫有所思
記得玉人初

病起

一作較

道家粧束厭禳時

春詠

春來還似去年時
手把花枝唱竹枝
狂瘦未曾飡有味
不緣中酒却緣詩

贈歡娘

八歲善吹笙

一束龍吟細竹枝青娥擎在手中吹當時縱使雙成在
不得如伊是小時

戲瞻相

失意蹉跎到舊遊見吹楊柳便遮羞瞻相趙女休相拽
不及人前詐擺頭

贈解詩歌人

同有詩情自合親不須歌調更含顰朝天御史非韓壽

莫竊香來帶累人

贈韋氏歌人二首

弦管聲凝發唱高幾人心地暗傷刀思量更有何堪比
王母新開一樹桃

一曲新聲慘畫堂可能心事憶周郎朝來為客頻開口
綻盡桃花幾許香

加階

二年中散似嵇康此日無功換寵光唯有一般酬聖主

勝於東晉是文章

野園

野園無鼓又無旗
鞍馬傳盃用柳枝
嬌養翠娥無怕懼
挿人頭上任風吹

郊亭

郊亭宴罷欲回車
滿郭傳呼調角初
尚擁笙歌歸未得
笑娥扶著醉尚書

老僧

清瘦形容八十餘
匏懸籬落似村居
勸師莫羨人間有
幸是元無免破除

僧窗

不悟時機滯有餘
近來為事更乖疎
朱輪皂蓋蹉跎盡
猶愛明窗好讀書

題平等院

十里城中一院僧
各持巾鉢事南能
還應笑我功名客
未解嫌官學大乘

影燈夜二首

一作上元詩

偃王燈塔古徐州二十年來樂事休
此日將軍心似海
四更身領萬人遊

十萬軍城百萬燈
酥油香暖夜如烝
紅糴滿地煙光好
只恐笙歌引上昇

許州旌節到作

兩地旌旗擁一身
半緣傷舊半榮新
州人若憶將軍面
寫取雕堂報國真

重遊通波亭

十年拋擲故園花
最憶紅桃竹外斜
此日郊亭心乍喜
敗榆芳草似還家

戲舸

遠舸衝開一路萍
岸傍偷上小茅亭
遊人莫覓盃盤分
此地纔應聚德星

偶題

到處吟兼上馬吟
總無愁恨自傷心
無端夢得鈞天樂

盡覺宮商不是音

折楊柳十首

并序

此曲盛傳為詞者甚衆文人才子各銜其能莫不
條似舞腰葉如眉翠出口皆然頗為陳熟能專於
詩律不愛隨人搜難挾新誓脫常態雖欲弗伐知
音其舍諸

華清高樹出離宮南陌柔條帶暖風誰見輕陰是良夜
瀑泉聲畔月明中

洛橋晴影覆江船
羌笛秋聲濕塞煙
閒想習池公宴罷
水蒲風絮夕陽天

嫩綠輕懸似綴旒
路人遙見隔宮樓
誰能更近丹墀種
解播皇風入九州

暖風晴日斷浮埃
廢路新條發釣臺
處處輕陰一作輕可

惆悵後人攀處古人栽

潭上江邊嫋嫋垂
日高風靜絮相隨
青樓一樹無人見
正是女郎眠覺時

汴水高懸百萬條風清兩岸一時搖隋家力盡虛栽得
無限春風屬聖朝

和風煙樹

一作雨

九重城夾路春陰十萬營唯向邊頭不

堪望一株

一作林

顚顚少人行

窗外齊垂旭日初樓邊輕暖好

一作好暖

風徐游人莫道栽

無益桃李清陰却不如

衆木猶寒獨早青御溝橋畔曲江亭陶家舊日應如此

一院春條綠遶廳

帳偃纓垂細復繁令人心想石家園風條月影皆堪重
何事侯門愛樹萱

柳枝四首

數首新詩帶恨成柳絲牽我我傷情柔娥幸有腰支穩
試踏吹聲作唱聲

高出軍營遠映橋賊兵曾斫火曾

一作曾逢
兵火一時

燒風流性

在終難改

一作盡一作
死一作挫

依舊春來

一作風一作
暖日還生

萬萬條

縣依陶令想嫌迂營畔將軍即大麤此日與君除萬恨

數篇風調更應無

狂似纖腰嫩勝綿自多情態竟

一作更

誰憐遊人不折還

堪恨拋向橋邊與路邊

柳枝詞五首

并序

乾符五年許州刺史薛能於郡閣與幕中談賓酣
飲酷耐因令部妓少女作楊柳枝健舞復歌其詞
無可聽者自以五絕為楊柳新聲

朝陽晴照綠楊煙一別通波十七年應有舊枝無處覓

萬株風裏卓旌旃

晴垂芳態吐牙

一作芽

新雨攏輕條濕面春別有出牆高

數尺不知搖動是何人

暖

一作晚

梳簪朵事登樓因挂垂楊立地愁牽斷綠絲攀

不得半空懸著玉搔頭

西園高樹後庭根處處尋芳有折痕終憶舊

一作我

遊桃

葉舍一株斜映竹籬門

劉白蘇臺總近時當初章句是誰推纖腰舞盡春楊柳

未有儂家一首詩

自注劉白二尚書繼為蘇州刺史皆賦楊柳枝詞世多傳唱雖有才語但

文字太僻宮商不高如可者豈斯人徒歟洋洋乎唐風其令虛愛

吳姬十首

夜鎖重門畫亦監眼波嬌利瘦巖巖偏憐不怕傍人笑

自把春羅等舞衫

龍麝薰多骨亦香因經寒食好風光何人畫得天生態

枕破施朱隔宿粧

滴滴春霖透荔枝筆題牋動手中垂天陰不得君王召

頻著青蛾作小詩

鈿合重盛繡結深
昭陽初幸賜同心
君知一夜恩多少
明日宣教放德音

退紅香汗濕輕紗
高捲蚊厨獨卧斜
嬌淚半垂珠不破
恨君瞋折後庭花

取次衣裳盡帶珠
別添龍腦裛羅襦
年來寄與鄉中伴
殺盡春蠶稅亦無

畫燭燒蘭暖復迷
殿幃深密下銀泥
開門欲作侵晨散

已是明朝日向西

樓臺重叠滿天雲
殷殷鳴鼉世上聞
此日楊花初似雪
女兒弦管弄參軍

冠剪黃綃帔紫羅
薄施鉛粉畫青娥
因將素手誇纖巧
從此椒房寵更多

身

一作自

是三千第一名
內家叢裏獨分明
芙蓉殿上中

元日水拍銀臺弄化生

題于公花園

含桃莊主後園深繁實初成靜掃陰若使明年花可待
應須惱破事花心

登城

偶作悶身上古城路人遙望不相驚無端將吏逡巡至
又作都頭一隊行

好客

好客連宵在醉鄉蠟煙紅暖勝春光誰人肯信山僧語
寒雨唯煎治氣湯

贈普恭禪師

一日迢迢每一食我心難伏我無心

一作心

難南簷十月繩

牀暖背卷真經向日看

贈無表禪師

笠戴圓陰楚地梭磬敲清響蜀山銅秋來說偈寅朝殿

爽爽

一作輕灑

楊枝滿手風

彭門偶題

淮王西舍固非夫柳惲偏州未是都直到春秋諸列國

擁旄才子也應無

嘲趙璘

巡關每傍擣蒲局望月還登乞巧樓第一莫教嬌太過
緣人衣帶上人頭

句

百首如一首卷初如卷終

北夢瑣言能以詩自負還劉得仁卷題詩云云

坐

久僕頭出語多僧齒寒

南部新書

西塞長雲盡南湖片月

斜

古今詩話


李白終無取陶潛固不刊

論詩見鄭谷集注

我身

若在開元日爭遣名為李翰林

寄符郎中
見鄭集



御定全唐詩卷五百六十一

欽定四庫全書

集部

御定全唐詩卷五百六十二至
六

詳校官庶吉士_臣胡鈺

主事銜_臣徐以坤覆勘

總校官知縣_臣繆琪

校對官助教_臣汪日贊

謄錄監生_臣李玉瓚

欽定四庫全書

御定全唐詩卷五百六十二

劉威

劉威會昌時人詩二十七首

早春

曉來庭戶外草樹似依依
一夜東風起萬山春色歸
冰消泉派動日暖露珠晞
已醞看花酒嬌鶯莫預飛

傷春感懷

花飛惜不得年長更堪悲春盡有歸日老來無去時風
前千片雪鏡裏數莖絲腸斷青山暮獨攀楊柳枝

閏三月

三年皆一閏此閏勝常時莫怪花開晚都緣春盡遲節
分炎氣近律應蕙風移夢得成胡蝶芳菲幸不遺

早秋遊湖上亭

危亭秋尚早野思已無窮竹葉一尊酒荷香四座風曉
煙孤嶼外歸鳥夕陽中漸愛湖光冷移舟月滿空

宿漁家

竹屋清江上風煙四五家
水園分芡葉鄰界認蘆花
雨到魚翻浪洲迴鳥傍沙
月明何處去片片席帆斜

旅中早秋

金威生止水爽氣遍遙空
草色蕭條路槐花零落風
夜來萬里月覺後一聲鴻
莫問前程事颯然沙上蓬

早秋西歸有懷

求歸方有計惜別更堪愁
上馬江城暮出郊山戍秋
暗

銷何限事白盡去年頭莫怪頻惆悵異鄉難再遊

冬夜旅懷

寒窗危竹枕月過半牀陰嫩葉不歸夢晴蟲成苦吟酒
無通夜力事滿五更心寂寞誰相似殘燈與素琴

塞上作

蕭蕭隴水側落日客愁中古塞一聲笛長沙千里風鳥
無棲息處人愛戰爭功數夜城頭月彎彎如引弓

秋日寄陳景孚秀才

征車日已遠物候尚淒淒
風葉青桐落露花紅槿低
心隨秦國遠夢到楚山迷
却恨銜蘆鴈秋飛不向西

冬日送友人西歸

北風吹別思杳杳度雲山
滿望是歸處一生猶未閒
知音方見譽浮宦久相關
空有心如月同君千里還

感寓

海竭山移歲月深分明齊得世人心
顏回徒恨少成古彭祖何曾老至今
須向道中平貴賤還從限內任浮沈

他年免似驪山鬼信有蓬萊不可尋

七夕

烏鵲橋成上界通千秋

一作年

靈會此宵同雲收喜氣星

樓曉

一作橋滿

香

一作雨

拂輕

一作香

塵玉

一作月

殿空翠輦不行

青草路金鑾徒候

一作恨

白榆風綵盤花閣無窮意只在

遊絲一縷中

晚春陪王員外東塘遊宴

水綠山青春日長政成因暇泛回塘初移柳岸笙歌合

欲過蘋洲羅綺香共濟已驚依玉樹隨流還許醉金觴
一聲畫角嚴城暮雲雨分時滿路光

遊東湖黃處士園林

偶向東湖更向東數聲雞犬翠微中遙知楊柳是門處
似隔芙蓉無路通樵客出來山帶雨漁舟過去水生風
物情多與閒相稱所恨求安計不同

題許子正處士新池

坐愛風塵日已西功成得與化工齊巧分孤島思何遠

欲似五湖心易迷漸有野禽來試水又憐春草自侵隄
那堪更到芙蓉拆晚夕香聯桃李蹊

旅懷

物態人心漸渺茫十年徒學釣滄浪老將何面還吾土
夢有驚魂在楚鄉自是一身嫌苟合誰憐今日欲佯狂
無名無位却無事醉落烏紗卧夕陽

早秋歸

數口飄零身未迴夢魂遙斷越王臺家書欲寄鴈飛遠

客恨正深秋又來風解綠楊三署冷月當銀漢四山開
茫茫歸路在何處砧杵一聲心已摧

歐陽示新詩因貽四韻

衝夏瑤瓊得至音數篇清越應南金都由苦思無休日
已證前賢不到心風入寒松聲自古水歸滄海意皆深
欲知字字驚神鬼一氣秋時試夜吟

尉遲將軍

天仗擁門希授鉞重臣入夢豈安金江河定後威風在

社稷危來寄託深，扶病暫將弓試力。
感恩重與劍論心，明妃若遇英雄世，青塚何由怨陸沈。

贈歐陽秀才

桐上知音日下身，道光誰不仰清塵。
偶來水館逢為客，舊熟詩名似故人。
永日空驚滄海闊，何年重見白頭新。
權門要路應行遍，閒伴山夫一夜貧。

贈道者

五雲深處有真仙，歲月催多却少年。
入郭不知今世事，

賣丹猶覓古時錢
閒尋白鹿眠
瑤草暗摘紅桃去
洞天時向人間深夜坐
鬼神長在藥囊邊

贈道者

道帔輕裾三島雲
綠髯長占鏡中春
高風已駕祥鸞馭
浮世休驚野馬塵
過海獨辭王母面
度關誰識老聃身
儒生也愛長生術
不見人間大笑人

遣懷寄歐陽秀才

地上江河天上烏
百年流轉只須臾
平生門過日將日

欲老始知吾負吾似豹一斑時或有如龜三顧豈全無
古來晚達人何限莫笑空枝猶望蘇

送元秀才入道

不教榮樂損天機願逐鸞皇次第飛明月滿時開道帔
俗塵飄處脫儒衣只攜仙籍還金洞便與時流隔翠微
空有緘題報親愛一千年後始西歸

三閭大夫

三閭一去湘山老煙水悠悠痛古今青史已書殷鑒在

詞人勞詠楚江深竹移低影潛貞節月入中流洗恨心
再引離騷見微旨教漁父會昇沈

傷曾秀才馬

買得龍媒越水濱輕桃細杏色初分秋歸未遇陽關日
夜魄忽銷陰塞雲吳練已知隨影沒朔風猶想帶嘶聞
臨軒振策休惆悵坐致煙霄只在君

李玖

李玖欽州巡官詩八首

噴玉泉冥會詩八首

纂興記曰會昌元年孝廉許生下第東歸次壽安甘

棠館西逢白衣叟云赴噴玉泉與三四君子追
舊遊至泉所見四丈夫有少年神貌揚揚者有
短小氣宇落落者有長大少鬚髯者有清癯言
語瞻視疾速者皆金紫坐泉傍謂叟曰玉川來
何遲叟曰適憇前館偶見西楹題詩晦其姓名
有似為座中一二公者吟諷少駐耳因述其詩
座中皆掩面慟哭神貌揚揚者曰作詩人得非
伊水上受我推食解衣之士乎久之各賦噴玉
泉感舊遊書懷詩詩成各自吟諷長號數四響
動岩谷慟無言語而別按四丈夫甘露四相也
玉川盧仝也仝水受恩之士以自謂噴玉泉在
河南壽安縣傳載云山水絕勝太和中遊者始
盛王涯傳別墅有佳木流泉
詳詩意豎正在此泉上也

白衣叟途中吟二首

春草萋萋春水綠野棠開盡飄香玉繡嶺宮前鶴髮人
猶唱開元太平曲

厭世逃名者誰能答姓名曾聞王樂否春取路傍情

白衣叟述甘棠館西楹詩

浮雲淒慘日微明沈痛將軍負罪名白晝叫閤無近戚
縞衣飲氣只門生佳人暗泣填宮淚廐馬連嘶換主聲
六合茫茫皆漢土此身無處哭田橫

白衣叟噴玉泉感舊遊書懷

樹色川光向晚晴舊曾遊處事分明
鼠穿月榭荆榛合草掩花園畦壠平
迹陷黃沙仍未寤罪標青簡竟何名
傷心谷口東流水猶噴當時寒玉聲

四丈夫同賦

鳥啼鶯語思何窮一世榮華一夢中
李固有冤藏蠹簡鄧攸無子續清風
文章高韻傳流水絲管遺音託草蟲
春月不知人事改閒垂光影照滄宮

少年神貌
揚揚者

桃蹊李徑盡荒涼，訪舊尋新益自傷。
雖有衣衾藏李固，終無表疏雪王章。
羈魂尚覺霜風冷，朽骨徒驚月桂香。
天爵竟為人爵悞，誰能高叫問蒼蒼。

短小器宇落落者

落花寂寂草綿綿，雲影山光盡宛然。
壞室基摧新石鼠，渚宮水引故山泉。
青雲自致慚天爵，白首同臨感昔賢。
惆悵林間中夜月，孤光曾照讀書筵。

清瘦瞻視疾速者

新荆棘路舊衡門，又駐高車會一尊。
寒骨未沾新雨露，春風不長敗蘭蓀。
丹誠豈分埋幽壤，白日終希照覆盆。

珍重昔年金谷友共來泉際話幽魂

長大少
髭髯者

潘唐

潘唐會昌時人詩一首

下第歸宜春酬黃頗餞別

聖代澄清雨露均獨懷惆悵出咸秦
永明未薦相如賦故國猶慚季子貧
御苑鍾聲臨遠水都門樹色背行塵
一從此地曾攜手益羨江頭桃李春

御定全唐詩卷五百六十二

欽定四庫全書

御定全唐詩卷五百六十三

裴休

裴休字公美濟源人登進士第舉賢良方正異等擢累
監察御史兵部侍郎大中中拜同中書門下平章事詩
二首

題泐潭

泐潭形勝地祖塔在雲湄浩劫有窮日真風無墜時歲

華空自老消息竟誰知到此輕塵慮功名自可遺

贈黃蘗山僧希運

曾傳達士心中印額有圓珠七尺身挂錫十年棲蜀水
浮杯今日渡漳濱一千龍象隨高步萬里香華結勝因
擬欲事師為弟子不知將法付何人

令狐綯

令狐綯字子直楚之子舉進士擢累左補闕右司郎中
出為湖州刺史大中初召為考功郎中知制誥入翰林

為學士進中書舍人再遷兵部侍郎俄拜同中書門下
平章事懿宗嗣位出為河中節度使徙宣武淮南僖宗
時終鳳翔節度使封趙國公詩一首

登望京樓賦

夷門一鎮五經秋未得朝天不免愁因上此樓望京國
便名樓作望京樓

夏侯孜

夏侯孜字好學亳州譙人累遷發絳等州刺史宣宗時

自兵部侍郎為同中書門下平章事懿宗立進司空尋罷以太子少保分司東都詩一首

享太廟樂章

於鑠令主聖祚重昌興起教義申明典章俗尚素朴人皆樂康積德可報流慶無疆

魏謩

魏謩字申之鄭公徵五世孫登進士第文宗時為右拾遺擢諫議大夫武宗立貶信州長史宣宗嗣位召授給

事中遷御史中丞兼戶部侍郎俄進同中書門下平章
事大中十年領劔南西川節度使上疾求代拜吏部尚
書尋授檢校尚書右僕射集十卷今存詩一首

和重陽錫宴御製詩

四方無事去宸豫杪秋來八水寒光起千山霽色開

周墀

周墀字德升汝南人擢進士第辟湖南巡官入為監察
御史集賢殿學士李宗閔鎮山南表行軍司馬閔歲召

還以考功員外郎兼起居舍人事知制誥武宗即位改
工部侍郎出為義成節度使尋以兵部侍郎召判度支
進同中書門下平章事俄罷為劔南西川節度使詩二
首

賀王僕射放榜

文場三化魯儒生三十餘年振重名曾忝木鷄誇羽翼

又陪金馬入蓬瀛

自注擢初年木雞賦及第常陪僕射守職內庭

雖欣月桂居

先折更羨春蘭最後榮欲到龍門看風雨關防不許暫

離營

酬李常侍

景讓

立秋日奉詔祭嶽見寄

秋祠靈嶽奉尊壘
風過深林古柏開
蓮掌月高珪幣列
金天雨露鬼神陪
質明三獻雖終禮
祈壽千年別上杯
豈是瑣才能祀事
洪農太守主張來

李景讓

李景讓字後已
愷之孫大中中歷御史大夫西川節度使
終太子少保分司東都諡曰孝詩一首

寄華州周侍郎堦立秋日奉詔祭嶽詩

關河豁靜曉雲開
承詔秋祠太守來
山霽蓮花添翠黛
路陰桐葉少塵埃
朱轡入廟威儀肅
玉佩昇壇步武回
往歲今朝幾時事
謝君非重我非才

句

成都十萬戶拋若一鴻毛

見北夢
瑣言

鄭顥

鄭顥字奉正宰相綱之孫登進士第官起居郎尚宣宗

女萬壽公主拜駙馬都尉歷禮部侍郎大中末檢校禮
部尚書河南尹詩一首

續夢中十韻

并序

去年壽昌節赴麟德殿上壽迴憩於長興里第昏
然晝寢夢與十數人納涼於別館館宇蕭灑相與
聯句予為數聯同游甚稱賞既寤不全記諸聯唯
有十字云石門霧露白玉殿莓苔青用杜甫句私
怪語不祥書之於楹不敢言於人不數日上不豫

廢朝會及宮車上僊方悟其事追惟顧遇續石門
之句為十韻云

間歲流虹節歸軒出禁局奔波陶畏景蕭灑夢殊庭境
象非曾到崇嚴昔未經日斜烏斂翼風動鶴飄一作梳翎

異苑人爭集涼臺筆不停石門霧露白玉殿莓苔青若
匪災先兆何緣思入冥御爐虛仗馬華蓋負云亭白日
成千古金縢閱九齡小臣哀絕筆湖上泣青萍

劉綺莊

劉綺莊毘陵人初為崑山尉宣宗時官州刺史集十卷
今存詩二首

揚州送人

桂檝木蘭舟楓江竹箭流故人從此去望遠不勝愁落
日低帆影歸風引櫂謳思君折楊柳淚盡武昌樓

置酒

酒熟人須飲春還鬢已秋願逢千日醉得逭百年愁卒
卒周姬旦棲棲魯孔丘平生能幾日不及且遨遊

張固

張固大中中嘗為桂管觀察使詩二首

重陽宴東觀山亭和從事盧順之

亂山青翠郡城東
爽節憑高一望通
交友會時絲管合
羽觴飛處笑言同
金英耀彩晴雲外
玉樹凝霜暮雨中
高詠已勞潘岳思
醉歡慙道自車公

獨秀山

孤峯不與衆山儔
直入青雲勢未休
會得乾坤融結意

擎天一柱在南州

劉臯

劉臯宣宗時鹽州刺史為監軍楊元价所殺詩一首

長門怨

營營孤思通寂寂長門夜

一作夕

妾妬亦知非

一作石

君恩

那不借

一作惜

攜琴就玉階調悲聲未諧將心寄

一作託

明

月流影入君懷

李質

李質字公幹襄陽人擢進士第大中時官至江西觀察使詩一首

宿日觀東房詩

曾入桃溪路仙源信少雙洞霞飄素練蘚壁畫陰窻古木愁一作疑撐月危峰欲墮江自吟空向寂誰共倒秋缸

南卓

南卓字昭嗣初為拾遺因諫出宰松滋大中時為黔南經略使詩一首

贈副戎

翱翔曾在玉京天
墮落江南路幾千
從事不須輕縣宰
滿身猶帶御爐煙

李訥

李訥字敦正趙郡人大中時為浙東觀察使終兵部尚書
太子太傅詩一首

命妓盛小叢歌餞崔侍御還闕

繡衣奔命去情多
南國佳人飲翠娥
曾向教坊聽國樂

為君重唱盛叢歌

崔元範

崔元範大中時以監察御史為浙東幕府詩一首

李尚書命妓歌餞有作奉酬

羊公留宴峴山亭洛浦高歌五夜情
獨向柏臺為老吏
可憐林木響餘聲

楊知至

楊知至字幾之汝士之子登進士第初為浙東團練判

官後以比部郎中知制誥終戶部侍郎詩二首

和李尚書命妓歌餞崔侍御

燕趙能歌有幾人為花回雪似含顰聲隨御史西歸去
誰伴文翁怨九春

覆落後呈同年

由來梁鴈與冥鴻不合翩翩向碧空
寒谷謾勞鄒氏律長天獨遇宋都風
此時泣玉情雖異他日銜環事亦同
二月春光正搖蕩無因得醉杏園中

李明遠

李明遠大中中監察御史詩一首

送韋觀謫潘州

北鳥飛不到南人誰去遊
天涯浮瘴水嶺外向潘州
草木春秋暮猿猱日夜愁
定知遷客淚應只對君流

蕭績

蕭績大中時望江縣令詩一首

前望江縣令頌德

政績雖殊道且同無辭買石紀前功誰論重德光青史
過里猶歌臥轍風

盧順之

盧順之字子謨范陽人杞之孫大中時桂管從事詩一首
重陽東觀席上贈侍郎張固

渡江旌旆動魚龍令節開筵上碧峰翡翠巢低巖桂小
茱萸房濕露香濃白雲郊外無塵事黃菊筵中盡醉容
好是謝公高興處夕陽歸騎出疎松

李善夷

李善夷與李羣玉同時謫宦澧陽江南集十卷今存詩二首

責漢水辭

并序

春秋僖公四年齊桓公合諸侯之師盟于召陵責楚之苞茅不入寡君之罪也敢不供給昭王南征之不復君其問諸水濱按昭王南征至漢舟人膠其舟王遂溺死杜預曰當時漢水未屬楚杜之注其為謬哉且楚實殷之始封楚苦縣瀨鄉在漢水

東北六百餘里則漢水於西周之際豈未屬楚乎
又詩云撻彼殷武奮伐荆楚深入其阻裒荆之旅
鄭玄注云深入方城之阻也方城今在漢水北三
百里豈昭王時未屬楚乎屈完以齊桓所問之大
不敢他對但請自問於水濱之人言我不之知也
漢實屬楚久矣夫山林川澤天子祀之必有其神
楚人膠其船而禍其君神不能福神之罪也余過
漢見其波濤滉漾而責其水詞曰

漢之廣兮風波四起雖有風波不如蹄涔之水蹄涔之水不為下國而傾天子漢之深兮其隄莫量雖云莫量不如行潦之汪行潦之汪不為下國而溺天王漢之美者曰魴吾雖饑不食其魴恐污吾之饑腸

大隄曲

酒旗相望大隄頭隄下連牆隄上樓日暮行人爭渡急
槳聲幽輒滿中流

盧澂

盧澱浙東處士詩二首

金燈

疎莖秋擁翠幽艷夕漆紅有月長燈在無烟燼火同香
濃初受露勢庠不知風應笑金臺上先隨曉漏終

和李尚書命妓餞崔侍御

烏臺上客紫髯公共捧天書靜境中桃朶不辭歌白苧
耶溪暮雨起樵風

趙牧

趙牧大中咸通間人詩一首

對酒

雲翁耕扶桑種黍養日烏手按六十花甲子循環落落
如弄珠長繩繫日未是愚有翁臨鏡捋白鬚飢魂弔骨
吟古書馮唐八十無高車人生如雲在須臾何乃自苦
八一作尺軀裂衣換酒且為娛勸君朝飲一瓢夜飲一
壺祀天崩雷騰騰然一作紂非堯一作舜是何足憑桐君桂
父豈勝我醉裏白龍多上昇菖蒲花開魚尾定金丹始

可延君命

裴誠

裴誠聞喜人晉公度之從子官歷職方郎中太子中允
詩五首

南歌子詞三首

不是厨中弗爭知箇裏心井邊銀釧落展轉恨還深
不信長相憶擡頭問取天風吹荷葉動無夜不搖蓮
暮蠟為紅燭情知不自由細絲斜結網爭奈眼相鉤

新添聲楊柳枝詞

思量大是惡姻緣只得相看不得憐願作琵琶槽那畔

得他

一作美人

長抱在胸前

獨房蓮子没人看偷折蓮時命也拚若有所由來借問
但道偷蓮是下官

御定全唐詩卷五百六十三

欽定四庫全書

御定全唐詩卷五百六十四

于興宗

于興宗大中時御史中丞守綿州後為洋州節度詩二首

夏杪登越王樓臨涪江望雪山寄朝中知友

巴西西北樓堪望亦堪愁山亂江迴遠川清樹欲晴
明中雪嶺烟靄下漁舟寫寄朝天客知余恨獨遊

初在左綿

時作此詩和者李朋楊
半輩皆朝中之友也

東陽涵碧亭

金華志興宗寶歷
初令東陽剏此亭

高低竹雜松積翠復留風
路劇陰溪裏寒生暑氣中

李朋

李朋刑部員外郎詩一首

奉酬綿州中丞以江山小圖遠垂賜及兼寄詩

巴江與雪山井邑共迴環
圖寫丹青內分明烟靄間
移君名郡興助我小齋閑
日想登臨處高蹤不可攀

楊宰

楊宰字松年弘農人父從田弘正死於趙軍宰走常山
二千里號伏叛壘求屍歸葬銜哀雨血時稱孝童年十
八登大中二年進士第最有詩名詩二首

奉酬于中丞登越王樓見寄之什

劍外書來日驚忙自拆封丹青得山水強健慰心胸事
少勝諸郡江迴見幾重寧悲久作別且似一相逢詩合
焚香詠愁應賴酒濃庾樓寒更憶腸斷雪千峯

贈舍弟

秦雲蜀浪兩堪愁，爾養晨昏我遠遊。
千里客心難寄夢，兩行鄉淚爲君流。
早驅風雨知龍聖，餓食魚鰕覺虎羞。
袖裏鎔鋤光似水，丈夫不合等閑休。

句

蝦蟆欲喫月，保護常教圓。
心明外不察，月向懷中圓。

羅幃若不卷，誰道中無人。

牢性情急，累居幕府，主人多不容同列，有讒之者，與

之詩見語林

魁形下方天，頂亞二十四寸窗中月。

牢年六歲

母俾就學誤入人家乃父友也方彈碁戲以局為題命俾賦之牢應聲而作見紀事

李續

李續趙郡人嘗為柳公綽幕僚終曹州刺史詩一首

和綿州于中丞登越王樓見寄

時為同州刺史

早年登此樓退想不勝愁地遠二千里時將四十秋

續相

從東川奏舉過綿州刺史韋洪臯尚書攜登此樓於今三十七年矣 邈迤多失路華皓任

虛舟詩酒雖堪使何因得共遊

李文儒

李汝儒太和五年登第官翰林學士詩一首

和綿州于中丞登越王樓作

珍重巴西守殷勤寄遠情
劍峰當戶碧詩韻滿樓清
日照涪川闊烟籠雪嶠明
微黃看即及莫歎滯江城

田章

田章開成四年進士第詩一首

和于中丞夏杪登越王樓望雪山見寄

志乖多感物臨眺更增愁
暑候雖云夏江聲已似

報一作

秋雪遙難辨木村近好維舟莫恨歸朝晚朝簪擬勝遊
薛蒙

薛蒙考功郎詩一首

和綿州于中丞登越王樓作

左綿江上樓五馬此銷愁暑退千山雪風來萬木秋
還猶刺郡繫滯似維舟即有徵黃日名川莫厭遊

李鄴

李鄴戶部郎詩一首

和綿州于中丞登越王樓作

長聽巴西事看圖勝所聞江樓明返照雪嶺亂晴雲景
象詩情在幽竒筆跡分使君徒說好不祇怨離羣

于瓌

于瓌字正德教之子大中七年進士第一人詩二首

和綿州于中丞登越王樓作二首

時為校書郎

樓因藩邸號川勢似依樓顯敞含清暑嵐一作風光入素

秋山宜姑射貌江泛李膺舟郢曲思朋執輕紗畫勝遊

極目郡城樓浮雲拂檻愁政成多暇日詩思動先秋遠
霽千巖雪隨波一葉舟昔曾窺粉繪今願許陪遊

王巖

王巖大中時布衣詩一首

和于中丞登越王樓

雉堞臨朱檻登茲便散愁蟬聲怨炎夏山色報新秋江
轉穿雲樹心閒隨葉舟仲宣徒有歎謝守幾追遊

劉暎

一作
暎

劉睽大中時鄉貢進士詩一首

題越王樓寄獻中丞使君

朱軒迴壓碧煙州昔歲賢王是勝遊
山簇劒峰朝闕遠水如巴字遶城流
人間物象分千里天上笙歌醉五侯
今日登臨無限意同霑惠化自銷愁

李渥

李渥大中時鄉貢進士後登第詩一首

秋日登越王樓獻于中丞

越王曾牧劍南州因向城隅建此樓橫玉遠開千嶠雪
暗雷下聽一江流畫簷先弄朝陽色朱檻低臨衆木秋
徒學仲宣聊四望且將詞賦好依劉

劉璐

劉璐嘗刺蜀州代于興宗為綿州刺史詩一首

洋州于中丞頃牧左綿題詩越王樓上朝賢繼
和輒課四韻

隔政代君侯多慚跡令猷山光來戶牖江鳥滿汀洲雅

韻徵朝客清詞寫郡樓至今謠未已注意在洋州

盧栢

一作郁

盧栢弘文館學士詩一首

和于中丞登越王樓作

圖畫越王樓開絨慰別愁山光涵雪冷水色帶江秋雲
島孤征鴈烟帆一葉舟嚮風舒霽景如伴謝公遊

李體仁

李體仁續之子也官至江州刺史詩一首

飛鴻響遠音

漠漠微霜夕翩翩出渚鴻清聲流迴野高韻入寥空舊
質經寒塞殘音響遠風縈雲猶類網避月尚疑弓弱羽
雖能振丹霄竟未通欲知多怨思聽取暮烟中

御定全唐詩卷五百六十四